

Հայաստանի Հանրապետության Արագածոտնի մարզի

խորհրդի նիստի

ք. Աշտարակ

11. 10. 2023թ. ժամը 15<sup>00</sup>

Մասնակցում էին՝

Ս. Մովսիսյանը

ՀՀ Արագածոտնի մարզպետ

Հ. Գույանը

ՀՀ Արագածոտնի մարզպետի տեղակալ

Մ. Հովհաննիսյանը

ՀՀ Արագածոտնի մարզպետի տեղակալ

Հ. Գևորգյանը

ՀՀ Արագածոտնի մարզպետի աշխատակազմի գլխավոր քարտուղար

Ա. Գրիգորյանը

ՀՀ Արագածոտնի մարզպետի խորհրդական

Ռ. Թադևոսյանը

ՀՀ Արագածոտնի մարզպետի խորհրդական

Մ. Դավուդյանը

ՀՀ Արագածոտնի մարզպետի օգնական

Ա. Մարկոսյանը

ՀՀ Արագածոտնի մարզպետի օգնական

Մարզի ուժային կառույցների ղեկավարներ,

Մարզպետի աշխատակազմի ստորաբաժանումների ղեկավարներ,

Մարզի համայնքների ղեկավարներ, տեղակալներ,

Միասնական սոցիալական ծառայության տարածքային կենտրոնների ղեկավարներ,

Մարզի բժշկական հաստատությունների տնօրեններ,

Լրատվամիջոցների ներկայացուցիչներ:

ՀՀ Արագածոտնի մարզպետ Սերգեյ Մովսիսյանի նախագահությամբ մեկնարկեց օրակարգային հարցերի քննարկումը:

**Օրակարգում՝**

1. Մարզի համայնքների սեփական եկամուտների հավաքագրման աշխատանքների վերաբերյալ:
2. Մարզի համայնքներում ամենամյա չօգտագործված արձակուրդների վերաբերյալ:
3. Համայնքային սեփականություն հանդիսացող գույքային միավորների նկատմամբ իրավունքների պետական գրանցման աշխատանքների վերաբերյալ:
4. Բնակչության ազդարարումն ապահովելու նպատակով մարզում ազդարարման համակարգի ներդրման վերաբերյալ:
5. Հանքերի նպատակային նշանակության փոփոխության մասին:
6. Համայնքների ենթակառուցվածքների զարգացմանն ուղղված 2022-2023թթ. սուբվենցիոն ծրագրերով իրականացվող աշխատանքների վերաբերյալ:
7. Մարզում իրականացվող դպրոցաշինական ծրագրերի մասին:
8. Մարզի բնակավայրերի մուտքի և ելքի ցուցանակների վերաբերյալ:
9. Այլ հարցեր:

## Լսեցին՝

### **1. Մարզի համայնքների սեփական եկամուտների հավաքագրման աշխատանքների վերաբերյալ /զեկուցող՝ ֆինանսական վարչության պետ Ն. Գալստյան/:**

*/Ցուցանիշները կցվում են/:*

Ն. Գալստյանը տեղեկացրեց, որ սեփական եկամուտների հավաքագրումը 2023 թվականի ինն ամսվա ընթացքում իրականացվել է 96,4 %-ով, որը կազմում է տարեկան պլանային ցուցանիշի մոտ 71%-ը: Բարձր ցուցանիշներ են ապահովել Աշտարակ /101,3%/, Շամիրամ /145,4%/, Ապարան /98,4%/, Ալազյազ /111,6%/, Մեծաձոր /106,9%/ համայնքները: Որոշակի թերացումներ կան Ծաղկահովիտ /68,5 %/, Արևուտ /79,5%/ և Թալին /83,5%/ համայնքներում: Նշվեց, որ հավաքագրման թերակատարում ունեցող խոշորացված համայնքները նոյեմբեր և դեկտեմբեր ամիսներին աշխատանքները լիարժեք կազմակերպելու դեպքում կունենան 100% ցուցանիշ:

**Մարզպետ Սերգեյ Մովսիսյանն առաջարկեց** Ծաղկահովիտ և մյուս համայնքների ղեկավարներին մինչև տարեվերջ բարելավել իրենց եկամուտների հավաքագրման գործընթացը անհրաժեշտ պլանավորած ցուցանիշը ապահովելու նպատակով:

### **2. Մարզի համայնքներում ամենամյա չօգտագործված արձակուրդների վերաբերյալ /զեկուցող՝ ՏԿ և ՏԻՀ վարչության պետ Հ. Ասատրյան/:**

*/Զեկույցը կցվում է/:*

Հ. Ասատրյանը ներկայացրեց, որ ՀՀ տարածքային կառավարման և ենթակառուցվածքների նախարարի հանձնարարականի համաձայն 2023 թվականի փետրվար ամսից մեկնարկած մարզի համայնքապետարանների աշխատակազմերի և համայնքային ենթակայության կազմակերպությունների աշխատակիցների 2003-2022թթ. ժամանակահատվածում ամենամյա չօգտագործված արձակուրդների տրամադրման գործընթացը շարունակվում է: 2023 թվականի փետրվարի 10-ի դրությամբ ամենամյա չօգտագործված արձակուրդների ընդհանուր գումարը մարզի համայնքներում կազմել է 18 մլն. 917 հազար ՀՀ դրամ: Համայնքապետարանների կողմից ձեռնարկված համապատասխան աշխատանքների արդյունքում 2023 թվականի հոկտեմբերի 1-ի դրությամբ մարվել է շուրջ 18 մլն. 531 հազար ՀՀ դրամ և մնացել է ընդամենը 386 հազար ՀՀ դրամ:

### **3. Համայնքային սեփականություն հանդիսացող գույքային միավորների նկատմամբ իրավունքների պետական գրանցման աշխատանքների վերաբերյալ //զեկուցող՝ ՏԿ և ՏԻՀ վարչության պետ Հ. Ասատրյան/:**

*/Զեկույցը կցվում է/:*

Զեկույցվեց, որ 2021թ.-ից ՀՀ վարչապետի հանձնարարականի համաձայն մեկնարկած համայնքային սեփականություն հանդիսացող շենք-շինությունների նկատմամբ իրավունքի պետական գրանցման աշխատանքները շարունակվում են: 2021թ.-ին մարզի համայնքներում առկա գրանցում չունեցող 138 միավոր շենք-շինություններից մարզպետի աշխատակազմի աջակցությամբ և համայնքների կողմից ձեռնարկված միջոցառումների արդյունքում մինչ օրս 126 միավոր շենք-շինություններ արդեն իսկ գրանցվել են և ունեն սեփականության իրավունքի վկայականներ: 10.10.2023թ. դրությամբ մարզի համայնքներում մնացել են ընդամենը 12 միավոր դեռևս չգրանցված գույքային միավորներ: Հետևողական աշխատանքները շարունակվում են:

**4. Բնակչության ազդարարումն ապահովելու նպատակով մարզում ազդարարման համակարգի ներդրման վերաբերյալ /զեկուցող՝ ՏԿ և ՏԻՀ վարչության պետ Հ. Ասատրյան/:**  
*/Զեկույցը կցվում է/:*

Տեղեկացվեց, որ ՀՀ Արագածոտնի մարզային փրկարարական վարչությունից և մարզի համայնքների ղեկավարների կողմից ստացված տվյալների ամփոփման արդյունքում պարզվել է, որ 10.10.2023թ. դրությամբ մարզի համայնքներում առկա են ազդարարման 113 էլեկտրական շշակներ: Մարզի ամբողջ բնակչության ազդարարման ձայնաձայնակային ապահովման համար անհրաժեշտ են ևս 37 շշակներ:

ՀՀ ՆԳՆ փրկարար ծառայության Արագածոտնի մարզային փրկարար վարչության պետ Դ. Պետրոսյանը առաջարկեց իր աջակցությունը Ապարան համայնքում արդեն ձեռք բերված շշակները տեղադրելու համար:

Հաշվի առնելով գործընթացի կարևորությունը **մարզպետ Ս. Մովսիսյանի կողմից առաջարկվեց** Թալին, Ապարան, Մեծաձոր, Ծաղկահովիտ և Ալագյազ համայնքներին համագործակցել ՀՀ Արագածոտնի մարզային փրկարարական վարչության հետ հնարավորինս սեղմ ժամկետում աշխատանքներն ավարտին հասցնելու համար:

**5. Հանքերի նպատակային նշանակության փոփոխության մասին /զեկուցող՝ քաղաքաշինության, հողաշինության և ենթակառուցվածքների կառավարման վարչության պետ Հ. Ստեփանյան/:**  
*/Զեկույցը կցվում է/:*

Հ. Ստեփանյանը ներկայացրեց, որ ՀՀ Արագածոտնի մարզի տարածքում գրանցված են 53 ընդերքօգտագործման իրավունք ունեցող կազմակերպություններ, որոնցից 2-ը ժամանակավորապես գործունեությունը դադարեցրել են, իսկ մնացած 51-ը իրականացնում են հողատարածքների նպատակային նշանակության փոփոխություն: Տեղեկացվեց, որ մարզի տարածքում գրանցված 34 հանքեր ունեն շուրջ 13 մլն ՀՀ դրամի ստանձնած պարտավորություններ համայնքների սոցիալ-տնտեսական զարգացման ոլորտում իրականացնելու համար:

**Մարզպետի կողմից** կարևորվեց, որ օգտակար հանածոների արդյունահանման համար հողամասերը տրամադրվեն ընդերքի օգտագործման իրավունք հաստատող փաստաթղթերին համապատասխան: Մեկ անգամ ևս առաջարկեց համայնքների ղեկավարներին հետևողական լինել հողերի ոչ նպատակային օգտագործման դեպքերի կանխարգելման ուղղությամբ տարվող աշխատանքներում: Նշեց, որ հանքերի ապօրինի շահագործման դեպքերը, ըստ վարչական իրավախախտումների վերաբերյալ օրենսգրքի, ունենալու են իրավական հետևանքներ ինչպես հողօգտագործողների, այնպես էլ նման իրավախախտումը կանխարգելելու և կասեցնելու իրավասությամբ օժտված պաշտոնատար անձանց համար: Պետք է վերանայվի և օրինական դաշտ բերվի բոլոր փաստաթղթերը, պայմանագրերը:

**6. Համայնքների ենթակառուցվածքների զարգացմանն ուղղված 2022-2023թթ. սուբվենցիոն ծրագրերով իրականացվող աշխատանքների վերաբերյալ /զեկուցող՝ քաղաքաշինության, հողաշինության և ենթակառուցվածքների կառավարման վարչության պետ Հ. Ստեփանյան/:**  
*/Զեկույցը կցվում է/:*

Հ. Ստեփանյանը նշեց, որ ՀՀ Արագածոտնի մարզի համայնքներում իրականացվել են համայնքների ենթակառուցվածքների զարգացմանն ուղղված ծրագրեր՝ դեռևս 2021թ.-ից

սկսված /Կարբի բնակավայրում իրականացվող Կարբի համայնքի հասարակական նշանակության տարածքների բարեկարգում ծրագիրը/:

2022 թվականին հաստատվել են Արագածոտնի մարզի 8 համայնքների տնտեսական և սոցիալական ենթակառուցվածքների զարգացմանն ուղղված 19 սուբվենցիոն ծրագրեր /ճանապարհաշինական, լուսավորության ցանցի կառուցում, հասարակական շենք-շինությունների վերանորոգում, խմելու ջրագծերի արդիականացում, գազաֆիկացում, ոռոգման համակարգերի արդիականացում /: 2022 թվականի 19 սուբվենցիոն ծրագրերից ավարտվել են 14-ը, 5-ը ընթացքի մեջ են:

2023թ. ՀՀ Արագածոտնի մարզում ՀՀ կառավարության կողմից իրականացվող համայնքների տնտեսական և սոցիալական ենթակառուցվածքների զարգացմանն ուղղված սուբվենցիոն ծրագրերի շրջանակներում հայտերի գնահատման միջգերատեսչական հանձնաժողովի քննարկմանն է ներկայացվել թվով 23 սուբվենցիոն ծրագրերի ամբողջական փաթեթներ: Միջգերատեսչական հանձնաժողովի կողմից հավանության է արժանացել թվով 21 ծրագիր:

Տեղեկացվեց, որ 2024 թվականի համայնքների տնտեսական և սոցիալական ենթակառուցվածքների զարգացմանն ուղղված սուբվենցիոն հայտերը միջգերատեսչական հանձնաժողովի քննարկմանն անհրաժեշտ է ներկայացնել մինչև նոյեմբերի 25-ը:

**Քննարկվեց** նաև սուբվենցիոն ծրագրերի շրջանակներում հիմնանորոգվող ՀՀ Արագածոտնի մարզի մանկապարտեզներին անհրաժեշտ գույքով ապահովելու հարցը: Նշվեց, որ նախադպրոցական ուսումնական հաստատություններին անհրաժեշտ գույքով ապահովելու խնդիրը կլուծվի մինչև տարեվերջ: **Մարզպետ Ս. Մովսիսյանի** կողմից անդրադարձ եղավ նաև «Արագածոտն-1» արևային ֆոտովոլտային կայանի կառուցման ծրագրի ընթացքի մասին և Ապարան քաղաքի Գարեգին Նժդեհի N 36 հասցեում պետական միջոցների հաշվին կառուցված բազմաբնակարան շենքի բնակարանների բաշխման խնդրին:

**7. Մարզի բնակավայրերի մուտքի և ելքի ցուցանակների վերաբերյալ** /գեկուցող՝ քաղաքաշինության, հողաշինության և ենթակառուցվածքների կառավարման վարչության պետ Հ. Ստեփանյան/:

*/Ձեկույցը կցվում է/:*

Ձեկուցվեց, որ ՀՀ Արագածոտնի մարզային նշանակության ավտոմոբիլային ճանապարհների վրա գտնվող բնակավայրերի ցուցանակների պատշաճ տեսքն ապահովելու նպատակով կապալառու ընկերությունների կողմից իրականացվել են 18 բնակավայրերի ցուցանակների փոխարինում նոր ցուցանակներով, իսկ 30 ցուցանակներ թարմացվել են և բերվել պատշաճ տեսքի:

Ներհամայնքային ճանապարհների վրա գտնվող ցուցանակների մասով համայնքներին առաջարկվել է, որպեսզի ապահովեն ցուցանակների առկայությունը և պատշաճ տեսքը: Համայնքներում ցուցանակները գույքագրվել են և նշված ցանկը կտրամադրվի համայնքին փոխարինելու համար, իսկ միջպետական և հանրապետական նշանակության ճանապարհների վրայի ցուցանակները տեղադրվում են նախարարության կողմից:

**Մարզպետի կողմից այս խնդիրը ևս կարևորվեց,** եղան մի շարք դիտարկումներ որոշ մայրուղիներում եղած թերությունների, գծանշումների, ճանապարհային նշանների բացակայության և դրանց արագ շտկման ուղղությամբ կատարվելիք աշխատանքների մասին:

**Մարզպետի առաջարկությամբ մարզպետի տեղակալ Միլադա Հովանեսյանը** ներկայացրեց Արագածոտնի մարզում միասնական երթուղային ցանցի ներդրման ուղղությամբ կատարվելիք աշխատանքների մասին տեղեկատվություն: Նշեց, որ ՀՀ տարածքային կառավարման և ենթակառուցվածքների նախարարությունը 2023 թվականի դեկտեմբերի 2-րդ տասնօրյակում նախատեսում է հայտարարել Արագածոտնի մարզի միջմարզային և ներմարզային միասնական երթուղային ցանցը սպասարկող կազմակերպության ընտրության մրցույթը: Հաշվի առնելով վերը նշվածը՝ առաջարկվել է խոշորացված համայնքների ղեկավարներին քննարկել իրենց համայնքների ներհամայնքային տրանսպորտային սպասարկման խնդիրները և ներհամայնքային երթուղիների սպասարկման կազմակերպումը նպատակահարմար համարելու դեպքում համայնքների ղեկավարների համապատասխան դիմումները և ներհամայնքային երթուղիների հաստատված չվացուցակները ներկայացնել ՀՀ տարածքային կառավարման և ենթակառուցվածքների նախարարություն:

**8. Մարզում իրականացվող դպրոցաշինական ծրագրերի մասին** /զեկուցող՝ մարզպետի խորհրդական Ա. Գրիգորյան/:

*/Զեկույցը կցվում է/:*

Ա. Գրիգորյանը ներկայացրեց Արագածոտնի մարզում իրականացվող դպրոցաշինական ծրագրերի վերաբերյալ ամփոփ տեղեկատվություն: Նշեց, որ ՀՀ կառավարության 2021-2026 թվականների գործունեության միջոցառումների ծրագրով նախատեսված 300 դպրոցների և 500 մանկապարտեզների կառուցման ծրագրում ներառված են Արագածոտնի մարզի 23 ուսումնական հաստատություններ: 23 դպրոցներից 18-ը նախագծանախահաշվարկային աշխատանքների փուլում են, և շինարարական աշխատանքների ավարտն ու դպրոցների նոր գույքով կահավորումը նախատեսվում է 2026 թվականին: 23 դպրոցների շարքում Արագածոտնի 7 գյուղական բնակավայրերում կկառուցվի նաև 7 կրթահամալիր:

Կառավարության կողմից մարզում իրականացվող անհետաձգելի համարվող կապիտալ բնույթի ծրագրերի շրջանակներում ՀՀ կառավարությունը կրթական օբյեկտների շենքային պայմանների բարելավման նպատակով ՀՀ Արագածոտնի մարզպետի աշխատակազմին է հատկացրել 230 մլն դրամ: Այդ միջոցներից ՀՀ Արագածոտնի մարզի 15 դպրոցներում իրականացվել են շենքային պայմանների բարելավման շինարարական 17 ծրագիր, որից 14-ն ավարտված են, 3-ն ավարտական փուլում են: Նշվեց նաև, որ 8 ուսումնական հաստատություններում հիմնվել են 8 նախակրթարան: Դրանցից 7-ը հանձնվել են շահագործման, որտեղ հաճախում է 132 երեխա, իսկ 1 նախակրթարանում շինաշխատանքներն ավարտական փուլում են:

2023 թվականին մարզպետի որոշմամբ մարզի դպրոցների խնայված միջոցների հաշվին նախատեսվել է լուծել հրատապ խնդիրները: Իրականացվող աշխատանքների համար հատկացվել է 173 մլն դրամ, որի արդյունքում 6 դպրոցներում իրականացվում են մարզադահլիճի և հանդիսությունների սրահի հիմնանորոգման աշխատանքներ, 3-ում այժմ իրականացվում են ջեռուցման համակարգի արդիականացման աշխատանքներ, 6

դպրոցներում էլ կատարվում են ներքին հարդարման աշխատանքներ: Նշված բոլոր ծրագրերը կավարտվեն մինչև տարեվերջ:

9. Օրակարգային գեկույցների ավարտից հետո մարզպետ **Ս. Մովսիսյանի առաջարկությամբ այլ հարցերի** շարքում մարզպետի խորհրդական Ա. Գրիգորյանի և առողջապահության և սոցիալական ոլորտի հարցերի վարչության պետ Կ. Թաթույանի կողմից ներկայացվեց Լեռնային Ղարաբաղից բռնի տեղահանված մեր հայրենակիցների խնդիրների և դրանց լուծմանն ուղղված աշխատանքների մասին տեղեկատվություն: Ներկայացվեց, որ մարզում բռնի տեղահանված մեր հայրենակիցների թիվը 4357 է: Նրանք բոլորը տեղավորված են, ոչ ոք առանց կացարանի չի մնացել: Համատեղ ջանքերով լուծվել են նրանց առաջնային կարիքները, ընթացքի մեջ են ՆԳՆ միգրացիայի և քաղաքացիության ծառայության էլեկտրոնային համակարգում նրանց հաշվառման գործընթացը, սկսվել են ՀՀ կառավարության կողմից տրամադրված գումարների փոխանցումները: Կրթության, մշակույթի և սպորտի վարչության պետ Գ. Թադևոսյանը ներկայացրեց, որ մարզի դպրոցներում տեղավորվել են 564 արցախցի աշակերտ, լուծվում են նրանց գրենական պիտույքներով ապահովելու հարցերը: Աշխատանքներ են իրականացվում նաև բռնի տեղահանված մեր հայրենակիցների գբաղվածության ապահովման, նրանց մարզի բժշկական հաստատություններում կցագրելու ուղղությամբ:

**Այլ հայտարարություններ և հարցեր** չեղան: Ամփոփելով մարզի խորհրդի նիստը՝ մարզպետ Ս. Մովսիսյանը շնորհակալություն հայտնեց ներկաներին՝ խնդրելով և հորդորելով շարունակել համատեղ արդյունավետ աշխատանքները, որպեսզի կարճ ժամանակահատվածում կարգավորվեն և թեթևանան մեր հայրենակիցների խնդիրները:

ՀՀ Արագածոտնի մարզպետ՝



**Սերգեյ Մովսիսյան**